



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七九三

薑廬詩鈔十六卷 曾炎權撰

巢雲山房詩存二卷 徐錫麟撰

靈芝僊館詩鈔十二卷捲秋亭詞鈔二卷問湘樓駢文初稿六卷 胡念修撰

晚翠軒集一卷 林旭撰

秋女士遺稿不分卷 秋瑾撰

蛻盒詩一卷蛻庵詞一卷 麥孟華撰

猥盒詩艸十卷猥盒文艸十卷 陳繼訓撰

代農堂文藁八卷 陳繼訓撰

天韻閣詩存一卷 黃箴撰

宋教仁先生文集不分卷 宋教仁撰

一

一二七

一六五

三九九

四一七

四三一

四三七

六七一

七二五

七三五

薑廬詩鈔

薑廬詩鈔

蘭系紀元庚子元
○司元季歲次辛
亥仲冬山房閑離

薑廬詩鈔

自序

三百篇後世蓋無詩言詩者抑又夥矣而求其合於風人之旨往往不可多得其故何也蓋盈天地間無往非詩如二氣之流行鼓盪目得之而爲陽心感之而爲陰心不正則其詩亦不正是以陽必流於淫陰必極於傷古之風人皆田夫野婦其俗又近樸偶爾以其心之正者發之於詩不自知其爲詩也亦不自知其非詩故有有意而爲詩者焉有無意而爲詩者焉三百之篇有意無意者也不淫不傷而皆軌於正當時閭巷小子能優爲之後世雖皓首鉅儒莫臻其妙其故何也其爲詩鑿而失其正也余於詩尤茫然未得其竅要既不知詩而又好之其焉從幼侍先君子讀嘗進問曰孔子謂詩三百蔽以無邪然則詩盡規於正而不隣於邪乎鄭衛淫哇之聲孔子胡以不全刪先君子曰爾執矣今不必參蠡詩章一一而言詮之翫味日久可以感發人之善心懲創人之佚志譬如食薑之能通神明去穢惡也余默然退漸漸領會則薑味出焉蓋薑之爲物稟天地陰陽正氣其味辛溫辛故從革而能革其邪僻之氣溫故平和而能和其躁急之情詩之蔽最忌綺靡煩促苟能範之以雅正養之以柔順則去三百篇不遠余故因先君子比詩於薑思薑味之所在進而思三百篇之正

薑廬詩鈔 序

一

味其得之陽者妙在不淫其得之陰者妙在不傷日尋其妙而欲馴而致之於吾詩詩也蘊也蘊也詩也不可得名也詩則雖未必盡蘊然以其味沃之於詩則三百篇宏愜或者有當於什之一乎今第言蘊而已矣奚敢言詩顧自少至壯誠信浮沈身世攸厯與夫國家變故友朋往來山河跋涉觸境生情筆而爲詩者都一十有六卷巴人之詞貽笑當世知不免也俯而思之先君子論詩蘊解言猶在耳志之不敢忘則蘊也其味甚長焉吾以是軌吾詩且以是號吾蘊時辛亥冬十月既望廬陵曾炎權自敘

蘊廬詩鈔

序

二

蘊廬詩鈔總目錄

卷一

古近體詩七十首

卷二

古近體詩六十二首

卷三

古近體詩六十六首

卷四

古近體詩五十七首

卷五

古近體詩六十三首

蘊廬詩鈔

目錄

一

卷六

古近體詩六十七首

卷七

古近體詩五十七首

卷八

古近體詩七十首

卷九

古近體詩七十首

卷十

古近體詩五十五首

卷十一

古近體詩六十一首

卷十二

古近體詩六十一首

卷十三

古近體詩六十一首

卷十四

古近體詩六十二首

卷十五

薑廬詩鈔

目錄

二

古近體詩六十四首

卷十六

古近體詩六十四首

共詩一千零一十首

薑廬詩鈔卷一

廬陵曾炎權因余

慈峰菴讀書

古刹擺俗塵卻與吾邨接佛地自清幽松風時狎躡冬日
煖禪房夏時不用簾春野鬧鳴蛙秋爽撲眉睫窗前聞暗
響鳥飛亂竹葉吾心方入定閉門畫化蝶古人爲我徒觀
書道理恆靜境養文心雕龍鄙劉勰閑來讀金剛佛經亦
涉獵初欲學爲佛不成復學俠豪氣夙所生慷慨慕荆叢
君子不憂貧着衣補紬縠藿堪自飽甯事乞米帖父書
旣等身況乃親鼓篋日夕對槧鉛精神戒疲茶昔賢留其
薑廬詩鈔卷一

一

擬古二首

大漠起塵沙驚風復亂颭自我出門後歷盡關隘險鴻雁
斷北荒音書阻西嶠思見閨中人安得如電閃親率所部
兵夜夜將名點霜雪冒弓刀萬竈軍容斂有兵似家丁足
以助氣餒

朝渡臨洮水暮抵大散關一日馳千里未敢脫刀鏝胡馬
嘶北風戰血點點殷惜我羈遠道何時得生還生還本有
期奈欲平羌蠻隴頭望明月月益明家山相思應兩地離

魂如連環自古英雄淚多爲兒女潛我獨忠王事又怕瘦
朱顏朱顏閨中處花封後定頒坐看笳鼓競歸來勒石開
家嚴講授易經有悟而作

草木窺盈虛乾坤互闔闢事變紛無窮凡物皆是易吾人
動靜閒隨時有消息範圍不可過違順卽逢逆矧於家國
事盛衰已成迹剝復否泰理往往考驗的貞下必起元天
數實明哲所以古聖人會通見其極始終存一懼履霜堅
冰惕但恨昧吉凶誦言忘十翼吾父學程朱註易有易癖
議論理數兼足奪京焦席不才日侍坐講授得親炙窮通
知有道終當爲介石

薑廬詩鈔

卷一

二

二十自述

前身住明月誤落塵寰中金粟旣謫世乃與流俗同忽忽
二十載儒冠誤我躬儒冠誠貽誤我躬焉所從射御無定
執宣聖尙折衷箕裘各可學紹業在治弓徒讀古人書借
書爲富傭區區毛錐子窮年未程功抱質須踐迹處世實
空侗官骸具虛器百代枉牢籠抗心希前哲意氣頗自雄
欲着成慶服吾未去從戎欲學樊遲稼吾不如老農已臻
陸機齒作文遜其工憶余髮方燥舞象等成童十五始志
學燃香照書蟲長夜失鐙火待月四壁空家貧隨父讀父
時發我蒙大業期富有敦品期崇隆刻鵠恐類鶩座右銘

一通誰知今如斯愧悔中自訂吾身日三省懷古繼宗風
所惡虛致力卒爲亡是公

讀司馬相如傳

人生立志在垂髫讀書擊劍亦逍遙家徒四壁貧何礙笑
屑猥瑣計斗筭長卿初止爲令客宦游梁國病成瘠數年
乃著子虛賦上林長楊篇篇篇高前身原是蜚蜚文園橫
行一時豪少小旣學唯慕蘭爲人尙義又勇驍臨邛王吉
獨友善遽使富人爭相招卓氏多錢有客色文君愛才奔
深宵可惜風流損風規納婦謬以琴心挑誕放本屬不羈
才出入小節意飄飄家窮仍自憑資貸賣酒不嫌雜市糶

薑廬詩鈔

卷一

三

文君當爐自滌器身著犢鼻影蕭條秋風茂陵長臥病志
氣不衰總凌霄天子一旦聞其名召給筆札繫蘭若失身
雖由狗監進諂諛能令罷獵獠君王覽賦賜爵秩妻家財
物薄如毛高車駟馬願果遂榮歸復過昇仙橋

疎雨五首

林澈迷濛石燕飛長煙乍斂正霏微連番漸覺花頭重幾
陣新加柳耳肥傍杏耦耕農未散折荷斜戴釣初歸遙知
破塊原無力風起鯉魚晚渡稀

涼氣淒清湖上亭無風無浪襯遙青草根窪處痕纔溼蕉
葉低邊滴漸停斜映金波橫蝦蟇亂穿珠點戲蜻蜓天公

隨意將枝濯聽罷惺忪又入聽

暗散酒香飄小帘高樓久坐醉消炎魚吹腥水爭跳浪燕
啄溼泥徐入簾孤館更寒聽欲亂一篙溪淺漲難添辛夷
花放朝垂露又濺珠光明樹尖

霰霏微蘇稻蠺鄉如絲亂下也無常水痕纔起泥還澀花
氣初乾蕊更香春後綠酣饒野興晚來紫散放山光有時
雷鼓聲旋歇不奈鳴鳩鳴便忙

陣陣西風已釀霖無多潤物惜如金豆花最惡連縣溼松
穗偏欣斷續侵小榻驚回齊女夢空階滴碎楚妃心高梧
含溜枝低鞦戶外猶聞搗練砧

薑廬詩鈔

卷一

四

青原臺懷古 縣試得案首之作

城外青原萬古青一臺插天入杳冥雄傑下臨迥無地層
層倒影影瓏玲誰其創者程太守政和年間塗丹黝賢哲
石刻留殘碑鄭記劉詩都不朽我來憑眺西廳頭當軒一
醉散百愁松竹有陰遠送爽應讓我封蕭灑侯朱簾高敞
捲暮雨登臨未肯攜眾侶雄飛欲逐幾陣風簷下金鈴箇
箇語白鷺水金牛泉目前勝蹟何嬾妍瞥眼四望空無翳
荒城東南劃晚煙嗚呼世事滄桑幾遷變弔古茫茫百感
戰名換鐘樓誰撞鐘清聲近入上諭殿殿在臺右

送友往華山閉關三首

薑廬詩鈔

入山勤閉戶芋許十年煨窗被猿窺破春從鳥喚來林深
常似雨境僻少聞雷聽打僧房鼓朝朝蚤起催

靜寄茅庵讀巖陰貯一間青峰圍屋插黃葉抱門環終日
惟憑几長年不下山養玄忘世故老伴結孤鵲

實地工夫苦空山歲月深伴寒鐙狎鼠報曉樹藏禽雲氣
通雙牖書聲宕一林藤蘿門隙補不使俗塵侵

有客夜泛歸邀余共酌

北斗闌干月照樓繫船亭下具新籜秋風吹瘦琵琶腿夕
露揩寒感策頭一棹湖山杯有影半牕鐙火夜無愁細談
人世蕭閒事我醉欲歸借客駒

薑廬詩鈔

卷一

五

送邑宰謝選門師解任回省

公餘招飲陪清厄桐梓樹下夜論詩情到融洽兩忘分明
月溶溶漾一池記曾鎖廳試親就蒙以不材爲領袖自慚
小技效雕蟲家學祇食先人舊辛依大匠窺門牆功在點
睛終不忘願返螺川爲止水一氣沆瀣潤高昌旌旆忽向
灌城去杖履何日吟連曙打鼓張帆催開船鷺渚花飛柳
飄絮

漁舟

生兒長大便撐船各自東西占一川日日打魚相見少不
須漁父授家傳

五

雜感十五首

桐葉自知閨修竹尙知時草木豈無情微物亦有知人生處天地翳獨無所思一十二萬年飄忽若電馳苟不光陰惜噴噴祇自嬉時亦不再來閨亦終有虧日居而月諸焉得有設施

寶鏡本有光忽然蒙塵垢一朝遭棄捐塵增三寸厚吾身若納污澡祇當恐後吾心爲物蔽靈府豈甘受明善須復初慎毋卑下丑

天人無中立凡事始當慎嗜利爲盜跖好善爲堯舜曠觀今古閒人類紛紛進盜跖何其多堯舜皆錯認堯舜與盜

畫廬詩鈔

卷一

六

跖分別在一瞬

大江流不息風波有時起人情險於水風波在心裏心裏不可見風波實難防大江雖湧風定波不颺

棟雀巢簷瓦飛飛人我宅於人常相親欲食自啄麥素不知機械飛鳴少拘迫我亦不害人人自無橫逆寄語世閒士居心宜坦白

孔雀以尾焚老蚌以珠死雀住在深山蚌居在深水山水深復深取者紛無已天下盡危機可惜浮華士華士豈有珠華士豈有尾不過善粉飾形類祇相似嗚呼不知恥殆哉浮華士

幽蘭處空谷桃李茁道傍桃李自俗豔蘭實王者香君子審出處抱道貴含章苟枉求人知所知亦尋常

牛耕不能馳馬駕不能田以馬司牛事各各不相聞大道雖不器千古有幾人隨陸而無武絳灌而無文人物同致慨負質多難全

冶鐵鍊成鋼化爲繞指柔鐵性有時改鋼鋒用最適氣質苟不變生成若贅疣自古爲聖賢初豈異庸流

南人善駕舟北人善車騎南北秉性殊各自爲風氣地勢使之然安能強所異東施枉效顰豈爭西施媚東西生不同此固關天事南北與東西人材不一致儻徒逐時趨反

畫廬詩鈔

卷一

七

爲性情累吾人自有真何必近虛僞

朝菌無晦朔經雨萎復出而無耐久性徒抱微弱質寂寂空山裏松柏有其實歲寒尙不凋凡卉誰與匹世亂識忠臣士窮見奇節堅貞古所重寧獨在植物

凡鳥無善鳴林樹亂相噪平野地復低鸞鳳不肯到朱方一劉生鵲鵲蒙惡號互鄉難與言豈可隨時好

仙人好樓居究在凡人境無人曷有樓點綴適成景自云遊方外胡爲落鄉井不如曠達士隨處極所騁塵世自騷動吾心自清靜人閒多樂趣安得昔昔領

孤桐高百尺疎森無枝葉鳳皇安其巢凡禽莫相接凡禽

悅眾木呼侶紛稠疊落孤高士流俗焉所叶

人生在太初稟氣原混沌奈何漆園叟柔道化近晚舉世
皆溷濁我獨守愚悃愚悃良可用與世適相反木以直自
冠人以剛致損兩言列箴銘遂令三代遠

遣興

取水思煎扇峽茶蝦蟆碛畔聽蝦蟆新晴飽食瓢兒菜細
雨看開鼓子花幾輩風流聯笠屐十年情緒託琵琶晚來
江月無窮白獨挾金錢上酒家

山齋書事

埽石盤桓趁雨餘微塵了不滓吾居吟成韻自諧山鳥讀

薑廬詩鈔

卷一

八

倦時還撈澗魚斫木有聲刀所到門無約客於於泉分
巖下柴巖上煮酒烹茶意亦舒

戲示舍弟

鷓鴣飢來欲啄麥深林呼侶天未白冒雨偶爾振雙翻竹
雞一聲泥滑滑不是哥哥行不得哥哥也知觀天色小人
行險何所獲

春夜

三更更後鼓頻搗夢正醒時鐙影斜細水聲中聽盆亂一
溪蛙引一溪蛙

晚杏

二十四番花信風風風都過杏花叢杏花催後風無力羯
鼓聲聲始放紅

野趣

白羊粧點小兒坡芳草有情碧一窠郭四朝家游戲艇張
三影輩行樂窩午攜名酒邀禽醉暮摘幽花倩馬馱天地
春從空處透光陰莫作等閑過

學釣

未諳魚性卻臨流日日投綸不自羞兩岸煙波閒下餌一
竿風雪慣披裘柳根枯坐託身穩竹影長垂擇境幽尚父
三千六百釣吾今暫釣亦優游

薑廬詩鈔

卷一

九

邨居卽景四首

漁岸古樟

老樹婆娑綠意勻乾坤獨釀古時春興亡閱徧南唐事
自南唐徙來樹榮悴看殘北宋人手植功難忘世澤心空
卽植於其時
質自屬輪囷雖經活劫仍盤錯呵護原須問鬼神

龍潭晴柳

龍王公裏陌阡連龍王公在對江卽龍潭春雨初晴柳絮天路曲有
陰通日氣潭深無浪見珠涎流鶯叫破孤山夢歸馬踏殘
古廟煙潭上舊有龍王廟吾村所建入水一橈成故事楊花逐彩自年
年永陽龍舟午日潮送我族闔節經此必遺一橈所以誌龍神之出於此也

碗嶺霞照

一碗紅霞一嶺痕

碗嶺卽所
謂碗口嶺

山容醉處傍黃昏

半天晴色餘成綺

幾片寒光遠射門

響塘溪聲

鵝翻松聲度盡樵

歸後猶映殘陽罩晚邨

籟靜晴溪石馬孤

四知橋畔水聲粗

因風入鶯清雙嶼

橋爲余曾祖貞域公所造入響塘必由之

有浪搖鷗韻一湖紅漲喧

江上琴

原濯漑出山紆

青原邨名

堤邊叱犢耕三月洗盡人間俗耳污

江上峰青江月白一聲鼓動騷雅客

冷冷七指奏雲和游

魚出聽鶴舞翩綠陰眠處淨無塵

籠罩四圍森翠柏金尊

酒滿攜伴飲花落黎牀薰風夕撫絃

動操取山應天地肅

清淒孤魄有成與虧見昭文半醉欲

嘯呼阮籍玉軫調來

風入松指下起波震河伯忽而流水

忽高山壓絲音洪盡

合拍一彈未終星欲稀空谷鬼神遠

來格孤桐莫作雍門

悲焦尾尙歸蔡邕宅不爲王門賤

伶人荒江對月且寄迹

珠柱金徽韻最遒眼界空曠穿雲脊

一聲聲破萬聲徹宕

漾柳梢凝寒碧我今乘興步汀洲

洗耳靜聽閒跂石隔溪

聞聲不見人唯見千嶂春

一脈琴德情情寄託遙聆此使

我清胸膈

秋胡詞二首

結髮爲夫婦五日乃宦陳納得良家子

相敬已如賓驅馬棄之去成婚寧戀新

粧閣鏡雖懸面目未窺真

倏奏離鸞曲一別阻關津

官場勞思慮未及閨中人

音形曠不接經冬復歷春

五載旋故里記憶渺無因

屏營衢路垂行行惜芳晨

忽見桑柘下有婦翠眉顰

採葉方盈襜苦辛復苦辛

國色忘是妻投金情用伸

詎知婦怫然貞心絕笑嚬

游子亦內愧登車馳歸輪

抵家見舊婦所見卽絳唇

慚歎不自禁深遭中葑

瞋胡獨愛少艾失德昧至

親良緣從此割離恨沈水

濱吁嗟婦也愚夙既能安

貧晉夫本自是輕生太

不仁乃夫且知過可以完

前姻寒風一夕噓傲骨看

嶙嶙如此亦不易乾坤存

貞珉

薑盧詩鈔

卷十一

十一

擔簦遠筮仕囊金養父母

五年乃得還歸家應恐後

道傍猶踟躕野心戀美婦

美婦持高節夫往空閨守

堂上奉雙親替夫操井臼

仰事又不足採桑午至酉

自君之出矣艱難歷已久

玉質內素朗金物澹不受

游子弗相量自恃宦囊有

春思鳥喚起桑鳩誤求友

才丁且解裝復以利相誘

天地有此人名節無過醜

家既篤伉儷遺忘若傲帝

擁金媚外女離獸踉蹌走

崔駟枉瘦損王孫實狗苟

雲雨觸處夢身辜佩印綬

爲官儻盡是儘可棄嘉偶

曠野多狐兔雙

雙認牝牡夫也何不良糟糠遺一斗季子怪多金好色由
富厚佳人羞覲面投川洗塵垢所恨大丈夫尙不及螭首
至今陳魯間貞石峙江口

羅敷詞

妾本秦氏女設帨字羅敷生小安貧窶眼常見榮枯願爲
採桑婦縲絲事舅姑有蠶十六箔有桑三十株日日南陌
上採葉備所需所需亦何多嫩青映腰襦翩彼高飛燕風
塵不受汙野廬有穩宿未嘗勢門趨寄語貴公子勿以賤
妾愚桑可勤婦職蠶可償官租一生不愛奢有口自能餉
請毋枉置酒妾心指靡蕪使君自有婦羅敷自有夫

舊廬詩鈔

卷一

三

數本夕陽明高樓天地豈模糊

田家

山邨有老農豐饒康且強一生不出遠年年在故鄉故鄉
何所有豐稔足稻粱耘耔適其性艱苦亦備嘗一犁雨膏
渥夙願終能償稚子以黍餉老妻以酒將妻子且情篤話
語共商量水田飛白鷺野色正昏黃長歌歸來晚蓑笠荷
夕陽門巷莫嫌窄雞犬棲依牆耕牛知舐犢呼伴走草場
物亦還我債歲亦不我荒問我何樂只曰我田既臧今年
償官租明年復千箱但自豐衣食儘我學疎狂世業寄碌
碌所遇卽義皇

少傅山懷古

我登天馬移北隅少傅一山本崎嶇崎嶇在山何足異得
一偉人乃獨殊文山先生實忠烈潭底龍化爲人傑南宋
殘局旣賴公山亦爲公壯晚節茲山有靈屬文山終古青
青不改顏豈徒當時資保障至今正氣留兩閒故應官銜
榮長在公眞與山亘萬載功業不朽名不磨山頭晴雲放
光彩

石陽古蹟四首

六一堂

三瑞堂邊堂復蕪斜陽黯淡過城隅春風人去文章在秋
雨草荒時代殊上國先生光趙宋中朝弟子得曾蘇至今
遺墨尋何處石爛臺空嘯鷓鴣

舊廬詩鈔

卷一

三

正氣亭

巍然百尺峙螺山信國危亭擁黛巒燐火夜飛南渡夢晴
煙朝點北牕斑乾坤留此成終古河嶽借公爲壯顏忠義
祠前憑眺望漫攜歌句和松關

文筆峰

翠壁青巖故屹然天生文筆自何年忠臣舊塚餘明月才
子健毫凌曉煙草檄山頭經大手哦詩石上寫新篇勤王
仗此一枝秀古事蒼茫問富田

山曉樓

第一樓臺成戰場每逢秋夜泣寒蟬從前柳色陰陰護此外桃花故故香墨蹟何年消浩劫雲山終古對斜陽爲尋匾額求書法殘址荆榛滿道旁

蜻蜓戲蓼圖二首

君不見蓼花灘頭蓼花碎雨餘一枝蜻蜓愛紅蜻蜓戀花窠君但垂釣莫張羅

蜻蜓款款飛舞風奮赤衣赤衣斑斕渾疑蓼蓼花灘頭獨忘機朝在花之北暮在水之國六足四翼飛本高勸爾偷眼避伯勞

董廬詩鈔卷一

古

螺川竹枝詞十四首

人物山川觸眼來滄桑到處鳥嘯哀迴龍橋下東流水流出青龍何日迴

六一當年遺故履平生足跡不青原士人偏製歐公樣不踏朱門踏寺門

五鳳山前靈氣鍾磁窑底事到今封文公石窟誕生後燒鳳不成況燒龍

把杯誰唱郡城高平地風波也未消箭影猶垂南塔寺角聲不過太平橋

六日七分冬至至五更三點清明清明冬至家家重割

肉宰雞紛出城

鄉邨酒熟雪花天臘鼓鼕鼕度小年司命醉時紛送菓大姑衣袂小姑牽

江南江北疊層巒相約閒游到處寬奇絕青原山未遠從來有約到偏難

涇渭平分各自流神岡一望水悠悠縱然章貢紅波涌不怕汚吾白鷺洲

郭氏全邨愛水居家家衣食出於魚太平自是無逃竄也效武陵漁父漁

細膩絳纈製異寶一家織布十家從織來衣被半天下澣葛廬詩鈔卷一

圭

統人家不受封

俗似幽民盡築場一江風送菜花香東家歲歉西家好萊蕪年年舊有王

不種禾苗亦有秋豐年釀得薄荷油油低價貴齊歡喜藉賣荷油進廣州

萬戶從前釀酒香吳侯去後味誰嘗而今萬戶轉沽酒沽得一壺說永陽

西郊有樹號埋冤樹不開花慘曠原到此沈冤埋已久樹猶如此人何言

薑廬詩鈔卷二

廬陵曾炎權因余

春游留別所親

偶被黃鸝喚出門，奚囊背負一乾坤。可離花濺紅時淚，不
惜草穿青處痕。夜雨孤燈愁獨卧，春潮萬里憶諸昆。天涯
詩思知多少，要辦湖山寄故園。

歷覽

歷覽古與今，古今同一天。胡今所生人，多不如古賢。山川
鍾毓薄，氣數使之然。孔孟不復出，盜跖踵相連。披史問是
非，上下五千年。新莽悲末路，席位窮斗躔。董卓攬權勢，腹

薑廬詩鈔卷二

臍用火燃好，雄鮮令終天。道豈有偏君，看古禹稷飢溺由
己肩。禹則及身王，稷迺胤祚。縣到底有結局，善惡不誣焉。

緩緩曲四首

緩緩歸來莫憶家，臨安陌上燦紅霞。今年花似前年好，想
到前年淚滴花。

緩緩認清吳越春，春風依舊點花勻。幾雙蝴蝶隨香輦，相

見不知是舊人。

緩緩尋春春過江，應將濃豔作歸裝。不堪故國空回首，花

草萋迷怨夕陽。

緩緩把杯醉幾回，問花能否許重來。山河尙在人終老，一

捻紅痕歲歲開

夏日宴江亭

銜盃納涼颺亭高人並，巖燕婢晚窺簾。蟹奴晴上檻，江鄉
風味好不採。南山賺朋輩歌且舞，誰敢妄干犯。酒令如軍
嚴，勸斟聲齊喊。綠水映疏牕，一色極清湛。倒影聚游魚，戲
捕欲下罟。遠峰青入座，雲氣飛黯黯。對面叢樹裏，隱隱聞
吠。參湖山娛幽景，憂心醉後減。畫棟了無塵，明淨不宿菴。
倚欄消鬱蒸，淩波看輕艦。

癸巳秋闈前，螺川感懷六首呈同郡諸友

閒步江城倦眼開，煥文門外翠雲堆。湖山醉後裝吟景，天

薑廬詩鈔卷二

十一

地否時資治才，自信疏慵同阮謝。羌無著作媿鄒枚，鍾期
在邇牙琴弄。因向知音抱器來。

二十年來感歲華，南柯太守夢偏賒。雄心投筆乘風去，熱
手着棋防局差。交到網繆惟鬪草，理能參透笑拈花。鐘聲
飯後癡王播，得句有時籠碧紗。

拔劍酣歌斫地狂，奇才磊落說王郎。讀書惟在行，吾素把
酒何須問。彼蒼美玉可沽，猶待價名花自護。暗含芳笑他
蕉鹿，尋求遍枉費精神夢一場。

班揚衮衮是經生，我愧羣經未鍊烹。問字頻來侯氏子，購
書時借孔方兄。手披往事襟期遠，心在古人夢寐清。最愛

元龍樓百尺奮身高坐一移情

街橋催人鬧不休從容文酒會朋儔六朝詞料供吟管萬
古交情重贈裘螢火微分金井冷雁聲先報豫章秋夜來
對此怍怍動明月蘆花滿鷺洲

平生志氣效鵬搏但願當躬一識韓鬼物抑揄防失路神
仙縹緲合燒丹命逢缺處補猶易功到成時棄也難誰道
秋花無徑覓花枝多是折來看

余自郡城抵家夜闌不寐有懷龍泉巫茂才卻寄

夜靜銀河耿星斗鄰家雞唱五更後予夢方遊珠峰邊歷
過八十四灘口強起挑鐙鐙未紅拈鬚裁詩歎無偶劉許

薑廬詩鈔

卷二

三

原來契合深月朗風清輒回首空谷閑寂邈足音荒園爲

君不生非君歸遂水我永陽雁斷天末々了久何日檢點

章門裝一幅蒲帆送君走時近秋關借問魚袋洲上沙今年秋

天曾湧否魚袋洲在龍泉縣其沙秋湧則登科有人

秋氣

空際微陽氣未回惟憑肅殺暗相催蘆搖水外吹嘯老菊
向籬邊醞釀纔四處風光蟲叫破一天霜信雁銜來縱教
幽黯人多被底事心緣畫角哀

秋陰

江山一帶路分明便覺秋天蝶夢成澗水欲乾涼待雨溪

雲暗護暄難晴樓臺無影低臨地荻葦經霜亂卧坪野趣
荒寒殊寂寂花枝倒挂睡鷓鴣

秋聲

江楓欲落亂汀灣葉葉聲乾樹樹顫野杆風中敲帶雨寺
鐘煙外響過山蟬吟萬樹暮還急蚤答一聽夜更聞何事
歐陽工作賦呼童靜聽老鄉關

秋色

長天一白浩無涯萬里澄清望最賒關塞橫空胡月淡樓
臺倚遍夕陽斜疎欄活映三分水老樹晴烘幾片霞向晚
漁鐙依蓼岸微紅遠落野人家

薑廬詩鈔

卷二

四

捷南閣

功名原屬尋常事爲報親恩不可無十載埋頭方脫穎幾
回出手欲呼盧錦標歸奪猶遲我衣鉢傳忘豈是夫恨未
蚤年分挂薤劍光今始驚風胡

甲午春北上二首

命駕別萱堂初觀上國光打頭愁棘矮逐伴看槐忙海日
蒸紅氣江花發紫香舳舨知不遠風雨會中央
帝城春樹綠臣里杏花紅馬跡翹雲外鶯聲溼雨中文章
隨命達毛羽到時豐挾策酬明主一心葵向東

致祭二忠祠敬賦

文山與文水精忠貫日月先後五百年勤王皆赴闕恢復
雖未成其志已高揭文公奉虜主嶺表延一髮豪傑募東
南百戰氣不竭兵敗身見執猶持擊賊笏李公具神勇湖
口射健鶻爲文告江神誓欲掃突厥閣臣誤機宜京城遂
搖扞二公際艱危忠義早銘骨建置畧相同策可扶艱
德祐崇禎時苟稍無齟齬四鎮各布兵宋祚豈遽歇監國
且分封明社必不蹶奈何棄良謀干戈用自伐遂令柱石
臣一死空嗟咄衣帶銘尙留腰縑贊亦烈丹心照青史至
今光發越俎豆千秋馨廟貌仰倅岬神魂依燕市遺徽壯
古碣郡人舉蒸嘗我亦親拜謁遠難備鄉品西山採薇蕨

薑廬詩鈔

卷二

五

送友典湖北鄉試

碧油紅旆紫霞襟星動輶車萬目峴虎節駢駢文字役龍
門嶽嶽武昌巖三秋月朗仙司桂一國水多人夢兼顛俊
心般能報主歸來定貢好南隸

十一月聞失旅順初四日偕王履真孝廉出都王歸

子留寓滬上

彗星出東瀛倭奴何崛強愧我總戎者倒戈引魍魎海門
痛自開礮臺被人攘我未寸柄握數奇比李廣吞聲只播
遷航海求安壤王君曠達懷天涯舒俯仰時事絕不談連
牀影對兩一朝歸興迫家山發遐想我被滬水羈旅館下

琴幌獨歌六朝勝轉自悲骭髒何日捷書來中原快掃蕩

送友人入蜀

浣花古里有東君定許聯吟對酒醺隨處乾坤堪痛飲明
朝吳蜀笑平分緩邊巴峽千帆雨馬上巫山一笏雲我亦
滬濱偃海日冬風吹面凍生紋

哀臺灣

黑旗漫說仗劉軍海天一夕起黃雲鐵門限關倭寇擁臺
南臺北皆兵氛此間三百六十社處處血飛土花赭可憐
百姓無甯居涕哭失聲轉暗啞日酋蹂躪何猙獰闖入民
戶咸相驚有女化離男亂走道路往往遺孤嬰田單鐵籠

薑廬詩鈔

卷二

六

匿其族庾冰隻身嘗晝伏人人元亮覓武陵各各幼安渡
海曲毘舍耶國實無辜漢臘久奉隸版圖願爲聖氓今不
得我后奚爲勃來蘇吁嗟臺灣孤注耳膏腴向來耽虎視
初爲倭據後荷蘭天險相繼入鄭氏國家圖之數十年費
盡廟謨尸始編珠崖一朝忽復棄海防疏虞誰靖邊鹿耳
鯤身空形勝雞籠鳳山已吞併生熟兩番反側消日人傳
檄一鼓定最恨黃海鐵艦摧平壤一戰又虺隤遂令倭奴
張聲勢大向澎湖如轟雷假使我將能部伍海軍直搗黃
龍府日人必棄臺一隅趨救三島勢旁午奈何失策信漢
姦付人不惜好江山臺客有家歸未得海上流寓何年還

問之不敢怨天子但道微倖脫刀環身爲棄民無住所向
我垂涕哀臺灣嗚呼我亦避地者得不垂涕哀臺灣

海上與友人談兵

短後衣成欲渡東春申江上話從戎憂時一掬傷心淚避
地兩年識面風北闕飯難忘鉅鹿東方劍自舞鳴鴻漢姦
斬盡軍當振天下英雄見畧同

馬車

鏡幄琳瑯綴錦緋雙輪疋馬迅如飛卻愁踏破瓊花影落
日可能荳蔻肥

除夕

舊廬詩鈔卷二

七

舉柁排悶賦東征紅海瀾翻夜有聲容易年光銷異地艱
難時事怨長城邊人信息中宵斷游子江湖半世輕百倍
羈懷除不盡浮生何日弋科名

元日試大卷

自笑迂疏寄滬濱一元書到魯郊麟賀年爭向樓齊午愛
國應先盤薦辛柏葉香浮杯外字椒花瑞現筆端春禮闈
將動長安榜翹首京華問夙因

治遊歎

海水雄海風惡海上遊人偏戲謔士商雜逖顯宦來盡日
但尋逢場樂乍入廣寒宮轉步青蓮閣滿地香風飄荳蔻

渾身花露裏芍藥里中東西齊蒼芳信是六朝金粉錯少
年意氣愛繁華徵逐要借陽春腳千金散盡一唾輕胸中
自云能揮霍丈夫幾輩不風流溫柔鄉裏要審度佛家有
言色是空情根況是風中籜

旅館春興

漉酒狂斟黃浦前滄江日暮獨聞鶉新亭宴集諸名士故
國春歸美少年一枕鶯花眠海上萬家魚麥足湖邊誓師
儒肯徂東去徐市還應讓我仙

送晏生歸應試

舊廬詩鈔卷二

八

共作羈栖客還爲恨別人帆檣諸路雨楊柳一江春文思
增場屋功名訂海神汝歸應努力余亦向天津

二月十九日入都

細細春風上柳枝皇州淑氣滿龍池丹山遙麗欣巢鳳黃
海頻經欲釣螭文字未能完宿債遭逢敢卜印新知君門
萬里心猶近獨抱卞和頑璞馳

吳淞口見沈舟

一路風波險番船竟爾沈危檣仍出水奇貨枉糜金海國
蛟龍怒江門鬼蜮侵彼中機器穩胡乃被災祲

塘姑換火車

大海忽無潮天晴換捷輶王尊常叱馭司馬漫題橋不脛